

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO DOBOJSKOG KANTONA

Broj: T04 0 KT 0064351 25
Zenica, 15.09.2025. godine

OPĆINSKI SUD U VISOKOM
VISOKO

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, p o d i ž e m

O P T U Ž N I C U

Protiv:

K. DŽ., osuđivan,

što je,

1. Dana 30.05.2025. godine, oko 11,00 sati, na području općine ... naročito drskim i bezobzirnim ponašanjem i nasiljem ugrozio građanski mir M. A., na način da je nakon završetka ročišta u zgradi Odjeljenja Općinskog suda ..., održanog između njega i njegove bivše supruge, oštećene M. A., a u vezi ostvarivanja kontakta sa njihovom zajedničkom malodobnom djecom, u momentu kada je M. M. dovezao putničko motorno vozilo marke „Peugeot“, reg. oznaka ..., kako bi se odvezao sa svojom suprugom oštećenom M. A., došao do vozila u koji su ušli M. A. i M. M., te nakon što je M. zaključao vrata od pmv, počeo da nogama i rukama lupa po vozilu, govoreći M.: „šta si mi govorio dijetu“, nastavio da hoda oko vozila, pri tome pokušavajući da otvori prednja desna vrata, a zatim počeo da lupa rukama po vozilu, upućujući pri tome A. i M. razne psovke, svjestan i znajući da nasiljem ugrožava građanski mir drugog, što je sve i htio,

dakle, nasiljem i naročito drskim i bezobzirnim ponašanjem prema drugom ugrozio građanski mir,

2. Dana 30.05.2025. godine, oko 11,00 sati, na području ..., ošteti tuđu stvar na način da je došao ispred zgrade Odjeljenja Općinskog suda ..., nakon završetka ročišta održanog između njega i njegove bivše supruge, oštećene M. A., a u vezi ostvarivanja kontakta sa njihovom zajedničkom malodobnom djecom, te rukama i nogama počeo da lupa po pmv marke „Peugeot“, reg. oznaka ..., vlasništvo oštećenog M. M., u kojem su se nalazili oštećeni M.M. i A., kojom prilikom je u predjelu zadnjih lijevih vrata napravio oštećenje u vidu udubljenja lima, ošteti na taj način oštećenog M. M. za neutvrđen iznos, svjestan da time oštećuje tuđu stvar, što je i htio,

dakle, ošteti tuđu stvar,

čime je počinio u stjecađu:

pod tačkom 1. počinio krivično djelo nasilničko ponašanje iz člana 362. stav 1. KZ F BiH pod tačkom 2. krivično djelo oštećenje tuđe stvari iz člana 293. stav 1. KZ F BiH u vezi sa članom 54. KZ F BiH,